



## KOMUNIKASAUN BA IMPRENSA

*Komunikadu ba Imprensa  
10 Maiu 2010*

### **DNTPSC HALA'O PUBLIKASAUN MAPA RAI NIAN BA DALA IKUS IHA KAPITAL DISTRITU AILEU**

Iha loron 10 Maiu 2010, Direção Nacional de Terras, Propriedades e Serviços Cadastrais (DNTPSC), halo publikasaun mapa rai nian ba dala ikus iha Kapital Distritu Aileu.

Sr. Jaime Xavier Lopes, Director DNTPSC hateten *“Publikasaun mapa ne’e hala’o ba dala ikus ona iha Kapital Distritu Aileu, tanba prosesu levantamentu de dadus iha kapital distritu Aileu remata tiha ona, iha fulan Marsu 2010 liuba. Tan ne’e husu ba comunidade iha area refere atu bele ba haree ita boot sira nia dadus iha publikasaun refere, hodi nune’e bele fo aprovasaun ba ita boot sira nia dadus. Karik iha dadus ne’ebe seidak loos, bele hadi’a, no mos karik iha reklamasan ruma bele hato’o iha tempu publikasaun ne’e. Tanba tempu ba publikasaun mapa mak loron 30”*.

Levantamentu de dadus kona-ba rai no na’in ba rai autorizada husi Ministra da Justiça liu husi Dekretu Ministerial No. 229/2008 de 1 Julhu 2008. Dekretu ida ne’e fó mandatu ba DNTPSC atu hala’o publikasaun ba dadus ne’ebe rekolla tiha ona, ho nia durasaun ba publikasaun ne’e maka loron 30 (semana 6) durante tempu servisu.

Area ne’ebe inklui iha prosesu publikasaun mapa ne’e maka, sub distritu Aileu Villa, Suco Aisirimou, Aldeia Aituhularan, Hudilaran no Bercati. Publikasaun mapa iha area refere hahu iha 10 Maiu 2010 no sei remata iha 21 Juñu 2010. Fatin ba taka mapa Publikasaun mak: Centro Kios Nusabe Aisirimou nia oin, Edifisiu Registo Civil Distritu Aileu, Sede Suco Aisirimou no Edifisiu DNTPSC Bebora-Dili. Bele asesu mos iha website: [www.itanirai.tl](http://www.itanirai.tl)

Publikasaun mapa hanesan prosesu hodi fó garantia ba transparensia, tanba fo oportunidade ba populasaun atu verifika dadus ne’ebe foti iha nivel lokal. Durante tempu ne’e, ema sei bele hato’o deklarasaun foun ida, no mos bele hatama reklamasan, ne’ebe hanesan disputa ida kontra ema seluk nia deklarasaun. Bainhira publikasaun hotu ona, ema sei labele hatama deklarasaun foun ka halo reklamasan ba ema seluk nia deklarasaun iha area ne’ebe refere.

**HAMETIN DIREITU BA PROPRIEDADE IHA TIMOR-LESTE  
Balide, Dili, Timor-Leste**

*Hodi hetan informasaun liu tan, bele kontaktu:*

## KOMUNIKASAUN BA IMPRENSA

Programa Ita Nia Rai ho durasaun tinan Lima (2007 – 2012) hetan fundus husi Governu Amerikano liu hosi USAID hodi tulun Governu Timor-Leste atu aseguira direitu ba rai no propriedade iha Timor-Leste. Servisu hamutuk ho DNTPSC (Ministerio da Justiça), programa ida ne'e atu fó assistensia téknika no suporta regulamentu ba dezvoltimentu sustentavel no transparente ba sistema administrasaun rai iha Timor-Leste. Dadaun ne'e prosesu foti dados kona-ba rai hala'o ona iha Capital Distritu Aileu, Baucau, Bobonaro, Liquiça, Manatuto, Oecusse, Dili, Lautem no la kleur tan sei habelar ba Capital Distritu Ainaro no Covalima.

- Remata -

**HAMETIN DIREITU BA PROPRIEDADE IHA TIMOR-LESTE**  
**Balide, Dili, Timor-Leste**

*Hodi hetan informasaun liu tan, bele kontaktu:*

*Cecilia Tilman Goncalves*

*TEL: +670 730 4325*

*Email: CGoncalves@sprtl.tl*